

ააიპ ჩოხატაურის მუნიციპალიტეტის კომუნალური სამსახური „სხივის“ მიერ გაწეული
საქმიანობის შესახებ

(2015 წლის 7 თვის ანგარიში)

სამსახური დაფუძნებულია ჩოხატაურის მუნიციპალიტეტის საკრებულოს მიერ 2007 წელს და მის ძირითად საქმიანობას წარმოადგენს დასუფთავების ღონისძიებების გატარება, გარე განათების მოვლა-შენახვა ექსპლუატაცია და გამწვანება.

კომუნალური სამსახური სხივი-ს 2015 წლის ბიუჯეტით გათვალისწინებული გადასახდელებია 285.0 ათ. ლარი რომელიც გათვალისწინებულია მუნიციპალიტეტის დასუფთავების ღონისძიებებისა, გამწვანების და გარე განათების მოვლა-შენახვა ექსპლუატაციისათვის, სამსახურში დასაქმებულთა რაოდენობა შეადგენს 59 კაცს, (მათ შორის სამტატო 48, არასამტატო 11).

ორგანიზაციის სარგებლობაში იმყოფება 7 ერთეული ტექნიკა

მ.შ

2 ერთეული ნაგავმზიდი, 1 ერთეული ასილიზაციის მანქანა, 1 ერთეული თვითმცლელი გაზ 53, 1 ერთეული თვითმცლელი ზილ 130, 1 ერთეული ტრაქტორი ბელარუსი, 1 ერთეული ამწე კალათა

აღნიშნული ტექნიკა არის ამორტიზებული და მოითხოვს ხშირ შეკეთებას, აქედან გამომდინარე აუცილებლობას წარმოადგენს არსებული პარკის განახლება.

2015 წლის 7 თვეში სამსახურის მიერ გახარჯულია სულ 205762 ლარი მ.შ

ა) შრომის ანაზღაურება 91131 ლარი

ბ) შტატგარეშე მომუშავეთა ანაზღაურება 24080 ლარი

გ) ოფისის ხარჯები 64057 ლარი

დ) უნიფორმა 600 ლარი

ე) ტრანსპორტის მოვლა შენახვა ექსპლუატაცია 20752 ლარი

ვ) სხვა ხარჯები 4132 ლარი

ზ) მივლინება 80 ლარი

თ) არაფინანსური აქტივების ზრდა 930 ლარი

დასუფთავების ღონისძიებები

2015 წლის 7 თვის მანძილზე სამსახურის მიერ აქტიურად ხდებოდა დაბის და მიმდებარე სოფლებში განთავსებული 120 ცალი სანაგვე ურნის გაცლა, ასევე დაბის ცენტრის, სკვერების და მიმდებარე ქუჩების დაგვა-დასუფთავება. ყოველდღიურად 120-ვე სანაგვე ურნის გაცლისათვის საჭიროა საშუალოდ 6 რეისის გატანა, რადგან დღეის მდგომარეობით ბიუჯეტით გამოყოფილი თანხა არ იძლევა ყოველდღიურად 120-ვე სანაგვე ურნის გაცლის საშუალებას ამიტომ გატანა ხდება შერჩევით ყოველდღიურად საშუალოდ 3 რეისის ოდენობით, რაც შეეხება დაბის ცენტრს და დაბის ტერიტორიაზე განთავსებულ სავაჭრო ობიექტებს რომლებთანაც გაფორმებული გვაქვს ხელშეკრულებები და არიან დასუფთავების მოსაკრებლის გადამხდელი ნაგვის გატანა ხდება ყოველდღიურად (რიგ შემთხვევაში დღეში 2_ჯერ).

ჩვენი შეხედულებით აღნიშნული მომსახურება არ არის საკმარისი მუნიციპალიტეტის ნორმალური სანიტარულ ჰიგიენური მდგომარეობის შესანარჩუნებლად, რისთვისაც მიზანშეწონილად მიგვაჩნია ნაგვის დღეში 6 რეისის გატანა, რაც შესაბამისად გამოიწვევს ხარჯების გაზრდას.

აქვე ავღნიშნავთ, რომ ჩვენ სარგებლობაში არის 2 ნაგავმზიდი, რომლებიც უკვე ამორტიზებულია და მოითხოვენ ხშირ შეკეთებას ამისთვის აუცილებლად საჭიროა დამატებით მინიმუმ 1 ნაგავმზიდის შეძენა, ასევე აუცილებლობას წარმოადგენს სანაგვე ურნების შეცვლა და რაოდენობის გაზრდა 250 ერთეულამდე. (დღეის მდგომარეობით არსებული ურნების გარკვეული ნაწილი უვარგისია ექსპლუატაციისათვის)

სამსახური მ/წ 15 ივლისიდან ემსახურება კ. ბახმაროში დასუფთავების ღონისძიებების გატარებას რისთვისაც სამსახურს დროებით გადმოსცეს ახალი ფორდი მარკის ნაგავმზიდი აქედან გამომდინარე 15 ივლისიდან ყოველდღიურად დაიწყო ნაგვის ჩამოტანა კ. ბახმაროდან ს. ბუკნარში ნაგავსაყრელზე.

გარე განათება

მუნიციპალიტეტის დაბის ტერიტორიაზე და სოფლებში გარე განათების ქსელის მოვლა_შენახვა, ექსპლუატაცია ხდება ჩვენი სამსახურის მიერ რომელიც 2011-2012-1013-2014

წლებში მთლიანად გაახლდა, გაფართოვდა და დღესდღეობით შეადგენს 2000-მდე გარე განათების ფარს თავისი აღრიცხვის კვანძებით და მართვის კარადებით, აღნიშნული ქსელი მოვლა პატრონობისათვის სამსახურს გააჩნია სპეც. ტექნიკა (ამწე კალათა). ქსელის ნორმალური ფუნქციონირებასა და უსაფრთხოების წესების დასაცავად აუცილებელია გარე განათების ქსელის სისტემატიური კონტროლი რაც 2015 წლის 7 თვეში აქტიურად ხდებოდა, პრობლემას წარმოადგენს გარე განათების კუთხით გამოყოფილი ელექტრო საქონელის შესყიდვაზე დამტკიცებული თანხა 8.0 ათ. ლარი რაც არ არის საკმარისი, ასევე აუცილებლობას წარმოადგენს სათადარიგო ელექტრო საქონელი შეძენა და დასაწყობება რათა დროულად მოხდეს გარე განათების ქსელის შეკეთება.

გამწვანება

სამსახურის მიერ ხდება დაბა ჩოხატურში მდებარე სკვერების მოვლა პატრონობა, ტარდება სკვერებში სხვადასხვა სახის სამუშაოები როგორცაა ყვავილებისა და მწვანე ნარგაობის განახლება, შებარვა, შეწმენდა, გასხვლა-ფორმირება, გაცელვითი სამუშაოები და ა.შ.

ასევე სამსახურის მიერ ხდება გამხმარი, დაზიანებული და სტიქიისაგან მოთხრილი ხე მცენარეების ლიკვიდაცია.

აქვე ავღნიშნავთ რომ სამსახურს აგრეთვე ევალება დაბის ცენტრისა და სკვერების დაცვა ოთხფეხა პირუტყვისაგან რაც არასაკმარისად ხდება, გარკვეული საკანონმდებლო ბაზის არარსებობის გამო.

დირექტორი:

/მ. დოლიძე/